

ኦይትምሰባብ ጳውሎስታ እሪንዳ ክቴና ጢማቶስካንታ እርድንታ

ጢማቶስ ጋይምድባብ ማርንድ ክርሰቶሳር ማቕባብ ክታ ኣጥርነረ መራ እሰያ ፍጨናርንካ ማድንካ፥ ባቤንጎካ ግርክ ፍጫ ኤድ፥ እንደንጎካ ማቼ ኖ ኣይሁድ ባብ፥ ጳውሎስታ ፍክሰንታ ላኮይትኬ ክላ ኬዘንጎከረ ቅንቕካ ክትም ኣሌንም ኣልድባብ ባብ፥ ጳውሎስ ጢማቶስካንታ ክት ጸፍሳን እሪንዳ ክተና ኣፍይ ማቻን ማከን ሪንከዘኔ።

ሙደንዘንከረ እሪምሰሶ ክታ ክቴና ሞክሰ ኤሄናር ኣምሳን ካርካ ኤሰሰንጎካ ኤግዝምዝድንዴ፥ ናኮና ካርካ ኤሰሰና የከና ኣይሁድንዘንካ፥ የኬነረ እና ኣብ ዋርሰንታ ገቅርን የጀንዳ ማድንካ፥ “ሰድምድን ፍጫ ሙደና ጎመካ ጮጫንካንታ ኣቅንታ ባላርድንዳ ባክ ማቻን ኣቕምሳን ኤሳ፥ ዋልቃ ዋልቃ ኣቕምንከዘን፥ ኣንቼዘንኬ ይእምዘንካ ካርሰሜ” ጋይድን ገቅርንዘን የድምሳንዴ፥ ጉጅሰረ ክቴና ሞክሰ ኤሄናር ገቕንጎከ ጎይንንታ ዋገንጎካ ኤሰዝድን ክታ፥ ኮትኮግንደረ ሞክሰ ኤሄናር ጎርዝድባብከሰኬ ክትም ኣሌን ኣልድባብከሰካንታ ዶቅ ዝግዝድን ኣዘንጎካ ኬዝድንደትም የጀንዴ። በእንታዘነረ ጢማቶስ የሱሰ ክርሰቶስታ ኤርማ ፍክሰንባብ ባከግንዳ ማት ክትም ዝግዝዳናንከኬ በድ ኣሜንድባብከዝደር ክትም ኣይሰዝድን ፍክሰንጎካ ጳውሎስ ኬዛን ዞረንም ባብዶቴ።

ማጻፍን ኮትኮታ ሙዳ የድንተና

1 ኣርድንታ (1:1-2)

2 ሞክሰ ኤሄንጎኬ ኮታር ፍግዝድባብከሰጎካ (1:3—3:16)

3 ጢማቶስካንታ ፍክሰንጎካ እምምሳን ኤሰሰ (4:1—6:21)

1 ዋንታ ኣቅሰንባብ ሳብ ዋንታ ባድን ጉርምን የሱሰ ክርሰቶስታ ክተንካ የሱሰ ክርሰቶስታ ኦይትምሰባብ ጳውሎስዘንካ፥

2 ኣሜንካ ዶፈን እስታ ይንቑ ማቕባብ ጢማቶስካንታ፥ ዋንታ ባቤን ሳብዘንካ፥ ዋንታ ጮይሰን የሱሰ ክርሰቶስዘንካ ዉቕ እምንተንኬ፥ ኣጮርንካ፥ ሳራትቼነረ የሰካንታ ማታ።

ካርካ ኤስሰንዘንካ ከትም ኤግዝምስና

³ ኦስ መቄዶና ፍጫር አያደቅድቶ ዋደ የሰም እ ጋይሳንግንዳ ኦ ዋሪ ደቅድባብ ዋልቃ ዋልቃ ኤድንከሰ ካርካ ኤስን ከት ኤስሳይንግንዳ ከትም ማርካንታ ኤፈሶን ካተመናር ዶእካ።

⁴ ኦስ ዐይሰደርኬ በእንታ ካየን አጥርንከሰታ ፋይደናር ከት ማዳክንግንዳ ከትም ክትካ። ኬና ሪንከሰ ቤርምም ተይዐደክ ዳት አሜንካ ይይምድንደት ሳብታ ፍክሰንካንታ መያየኬ።

⁵ ኮ ክቲንታ ጋይተና ማቼ ጭል ቡዳ፥ ኡርማ ገቅርያርንካ ዶፈን አሜንናርንካ ዐፈርድንዳ ሶልሜ።

⁶ ዋልቃ ዋልቃ ኤድንከሰ ከትኬና ሪንዘንካ ፋሰምሶ ኦስ ዉቕ ቤርማር ማተኬ።

⁷ ኮመሪ ይድባብከሰ ሙሴታ ህግን ኤስባብ ማትካንታ ዝግለኬ፥ ማታጋካ ዳት ኬታ ይ ኬዘድንደትም ኤሳየኬ እነረ ዋታ ገቶቲ ኬታ ይ ጋይድንደትመረ ገቅራየኬ።

⁸ ኤድ ዝግዝድንከካ ክት ፍክሴ ሙሴታ ህግናር ኡርማ ማትንተን ኤዘዶቲ።

⁹ ኮግንደረ ሙሴታ ህግናር እመርሳንዳ ኡርማ ኤድካንታ ማታክናና፥ ኤእዳክንባብከሰካንተኬ ባቕንባብከሰካንታ፥ ሳብም ጎይንዳክንባብከሰካንተኬ፥ ጎመንባብከሰካንታ፥ ሳብካንታ ፋሰማክባብከሰካንታ አያንታ ሪን ቶጅድባብከሰካንታ፥ ባቤንምኬ እንደንም ደይዘድባብከሰካንተኬ ሰንፔም ደይዘድባብከሰካንታ፥ ማትንተን ኤዘዶቲ

¹⁰ ኮትኮግንደረ ማንም እካኦንግድባብከሰካንተኬ እኳነኬ እኳነካ ማነኬ ማነካ ክክን ቤልማኦንግድባብከሰካንታ፥ ኤድም ሰናኦንግድባብከሰካንታ ካርግድባብከሰካንታ፥ ካርከካ ጫቃኦንግድባብከሰካንተኬ ዶፈን ኤስንም ከቕ ማዘድር ሙደን ይድባብከሰካንቲ።

¹¹ ዶፈን ኤስና ማቼ ዐፈርድንዳ ጋለትምሳን ሳብ ኬዘድን ቦንቻ ክላ ኬዘናርንኬ፥ ኮነረ ክላ ኬዘና እካንታ ዋደካ እመርሳንዳ።

ሳብታ አጭርና ጳውሎስካንታ

¹² እም ይንታ ፍክሰንካንታ ዶርንተካ አሜንምሰባብ ማሰሶ እም ፋይጅባብኬ እም እምሰባብ ጮይሰ የሱሰ ክርሰቶሰም ጋለድቲ።

¹³ ኮታ ኤና እሪ ክርሰቶሰም የክሰባብኬ ዳይሰባብ፥ ቶቶሰባብረ እ ማቕንከሬ፥ ኖ እም አጨርሴ፥ ኖየረ ኮም እም

ክት አጨርሳንደረ እታ ኮም ሙደንም እ ይሳንደና ኤሳክደቀኬ አማናክንኦላሬ።

14 ዋንታ ጮይሰንታ ዉቕ እምንተና የሱስ ክርስቶስካ ዋካንታ ማቻን አሜንኬ ሶልመካ ክክን ሰግሰሶ እካንታ እምምሴ።

15 “የሱስ ክርስቶስ ጎመንባብከሰም አቅሰካንታ ኮ ፍጫሙደንዘን ዐይዴ” ጋይምድን ቃለና ዶፈንኬ ኤድ ሙደና ተይ ዝግዝድንዴ። ጎመንባብከዘንከረ ሙዳ እንድንካ ጎመንባብ እትቴ።

16 ኬዛርንካ ማቼ እካንታ አጭርሴ፥ እም ክት አጨርሳንደረ የሱስ ክርስቶስ ጌራ ካየንደትም ይንታ ዳንዳእንም ሙደንዘንካ እንድንካ እ ጎማባብ ማቕባብ እስታዘን ክታ ሰቕንተንካ ክትካ አሜንድባብከሰካንተኬ ሰለንካ ዶቅንትን ዐብድባብከሰካንታ ካምሰ እ ማድንግንዴ።

17 ኮካንታ ሰለንካ ዶቅድን ባንቕንካንታ፥ ደእዳክባብ፥ ዐረፈርዳክባብ ዋልቃ ጮይሰንካንታ ቦንቸከ ጋለትካ ሰለንካ ዶቅድባብካንታ ማታ! አምንኤ።

18 እስታ ይንቕን ጠማቶሶ! ኮታ እሪ የሰካንታ ይይምድንደትም ኬዝምሳንግንዳ ኮዘንካ ኦስ ዶቅድን ክተን ዋደ ጋይንተካ የሰም እምድቴ፥ ይይምዴ ጋይምሳንደትም ጎርሰመረዮ ዝግዝድን ዳምን ዳምካ፥

19 አሜንኬ ኡርማ ገቅርኬ የሰታ ዶቃ። ዋልቃ ዋልቃ ኤድንከሰ ይንታ ገቅርን ዛቅንተካ ሎቀንዘንካ ቃልዘድንዳ ማርከብና ሎቀንዘን ቡርበቕንካ ካይድንደትግንዳ ከታ ይንታ አሜንካ ያሰተኬ።

20 ከታ ዋክያርንካ ሄመኖሰኬ እስክንድርከ ዐረፈርደኬ፥ ከታ ሳብዘን የክይ ኬዘንም ኬዘድንደዘንካ ካርሰምን ከት ኤሳባብ ሰጣንካንታ ሰክሰት ከትም እምሳቴ።

2

ጎይንታ ዋጋ

1 ሳብም ጎይንኬ ቦንቻ ጮጫን ዶቅንትካ ሳብም ኦይሰካ፥ ምክሰካ፥ ጋልትምኬ ጋለትካ ኤድ ሙደንካንታ ይይምድንግንዳ ዘርድቴ።

2 ሳብም ጳሰኬ ኡርማ እዘካ ጎርሰመርቶ ዳብን ጋይሳንደትካ ዋ ዶቅተርንግንዳ ኦብንዘንከረ ባንቕምንከሰካንተኬ ጨክን ጋይሳን ገቕታ ኤረዘን ዶቅድባብከሰ ሙደንካንታ ምክሰክቴ።

3 ኮነረ ዋንታ አቅስንባብ ሳብታ እሪ ኡርመኬ ጉርምዝድን ሪዬ።

4 ሳብታ ጋይተና ኤድ ሙደና አቅድንግንደከ ዶፈንን ከት ኤዝድንግንደ።

5 ሳብ ዋልቄ፣ ዋክያር ማትሶ ሳብምኬ ኤድንምኬ ኤድምዝድባበረ ዋልቄ፣ ኖየረ ኤድ ማቕባብ የሱስ ክርስቶሴ።

6 ኤድንከስም ሙዳ ጎመታ ዋርንካ ቆት ተይካንታ ይንታ ማተንም ቆትማ ማስሶ እምስባብ ኖዬ፣ ኮነረ ጋይምሳን ሰጨና የልድንካ ሳብታ አቅስንታ ፍክስን ገቀርት ተይድንግንዳ ይድን ማርካትቼ።

7 እተረ አሜንንምኬ ዶፈንንም ኤስምስካንታ ኦይትምስባብኬ ኤስስንባብ ማትሶቶ ኦስ እይሁድ ማታክባብከዘደር እ ኦይትምሳንዳ ኮነኬ፣ ኮመረ ጋይድቶ ዶፈንንም ኬዘድቴ ዳት ማልታይቴ።

8 ይና ካሪ ሙደናር ዶቅድባብ አግነንክስ ዋጭንኬ ተቕንም ዛቅስኮ ጭልምሳን ይንታ እንነከስም ጨዳ እምሰካ ከት ምግዝድንግንዳ እታ ዝግድቴ።

9 ኮትኮግንደረ ማነንከስ ይንታ ማተንም ኡርስካናከረ ዋርቅ፣ እነረ ዋርቀዘንካ ሰግዳን ቦንቕምሳን ዋርቃ እነረ ሰንጋ ማቻን አፍለካ ሰክስካ ማታክናና ኦስነኬ ይንታ ማተንም ይርክሳ ይይንተካ ዝግዝድንደትም ኡርማ አፍለን ከት ቆብራ።

10 ሳብም ጎይንደተ ጋይድን ማነንከስ ይ ከትም ዝግዝድንደትም ኡርማ ፍክስንካ ይንታ ማተንም ከት ሴክሳ።

11 ማነና ዱብን ጋይንተንምኬ ክትምን ኮት ኤሳ።

12 ማና አግነም ኮት ኤስዝድንግንዳ እነረ አግነም ገቕታ ኤራ ኮትካንታ ዶቃባብ ጋያይቴ፣ ኮትመረ ጫምን ጋይ ዝግዝደ።

13 እሪምሶ ፍዝምስባብ አዳሜ፣ ካርንከረ ሂዋና ፍዝምሴ።

14 ጉጅሰረ ገስምምሳንደትኬ ሳብታ ህግንም ዉልእሳንዳ ሂዋና ዳት ገስምስባብ አዳም ካዬ።

15 ኬዛርንካ ማቼ ማና አሜንኬ ሶልመካ፣ ሳብካንታ ፋስምሶ ኮት ዳንዳእስ ይንታ ማተንም ካርሰሮ ኮት ዶቅስ ይንቕ አጥመካ አቅተሬ።

3

ምክስ ኤሄናር ጎርዝድባብከስ

1 ዋልቃ ኤድ “ምክሰ ኤሄናር ጎርዝድባብ ማትካንታ ይ ዝግዜ ቦንቑምሳን ፍክሰም እንገርዴ” ጋይድንዳ ቃለና ዶፊኔ።

2 ኮካንታ ዋልቃ ምክሰ ኤሄናር ጎርዝድባብ ይንኤርዝድ ሪ ክታዘን ካየንባብ፡ ዋልቃ ኤተንታ ክእለ፡ ይካንታ እመርሳንከካ ዶቅድባብ፡ ይንታ ማተንም ቆልድባብ፡ ዝግዝድንደትም ፍግዝድባብ፡ ሶቕም ሞግድባብ፡ ኤሰሰካንታ ማድባብ፡

3 ጎዝዳክባብ፡ ቤርምም ሶልምዳክባብ፡ ኡብንካንታ ኦተርድባብ፡ ይምኤእርዳክባብ፡ ብረም ሶልምዳክባብ፡

4 ይንታ ኤሀ ኤድንም ኡርመካ ገቕዝድባብ፡ ክታ ይንቕና ዝግዝድን ቦንቑካ ክትካንታ ክትምድባብ ማት ዝግዝዴ።

5 ኤድ ይንታ ኤሀ ኤድንም ገቕካንታ ማትክንዳ ማቼ ሳብታ ምክሰ ኤሄንም ገቕካንታ ዐስግንድክ ማዳ?

6 ኦትረካ ጮጮሶ ዳብሎሰ ፋረድምሳንግንዳ ክታዘን ፋረድምዳክንግንዳ እክ ኦሜንሰባብ ምክሰ ኤሄናር ጎርዝድባብ ዐይማታ።

7 ይንኤእርምሶ ሰጣንታ ጭከናር ዋጅዳክንግንዳ ኦሜንዳክን ኤድንከዝደር ኡርማ ላም ክትካንታ ዶቅ ዝግዝዴ።

ዳቆን ማትሶ ፍግዝድባብከሰንካ

8 ኮትኮግንደረ ምክሰ ኤሄናር ኦላ ፍክሰን ፍግዝድባብከሰ ቦንቑምሰባብከሰኬ ይ ኬዛንደትካ ዛብድባብከሰ፡ ዋይን ዋጭምን ዋጭዳክባብከሰ ብራካንታ ጭጭዳክባብ ማት ከትም ዝግዝዴ።

9 ኮግንደረ ኦሜንንታ እቕምሳን ኬዘንም ኡርማ ገቅርካ ካርዝድባብ ማት ከትም ዝግዝዴ።

10 ከተረ እርምሶ ከት ጳጭማ፡ ኮታ ቡሪ ይንኤርምዳክባብ ማትሶ ከት ዐፈርፊ ምክሰ ኤሄናር ኦላ ፍክሰንም ከት ፍክሳ።

11 ኮትኮግንደረ ኬታ ማንከሰ ቦንቑምሰባብ፡ ኤታ ካሪ ኬዘዳክባብ፡ ይካንታ እምምሳንከካ ዶቅድባብከሰ፡ ሙዳ ሪከረ ኦሜንምሰባብከሰ ማት ከትም ዝግዝዴ።

12 ምክሰ ኤሄናር ኦሌን ኦልድባብከሰ ዋልቃ ዋልቀንከሰ ዋልቃ ኤተንታ ክእለ ማት ከትም ዝግዝዴ። ይንታ ይንቕንከሰምኬ ይንታ ኤሀ ኤድንመረ ኡርመካ የድሶ ገቕ ከትም ዝግዝዴ።

13 ምክሰ ኤሄናር ኦሌን ኦልድባብከሰ ኡርማ ፍክሰንም ቦቕዝድባብከሰ ጩክን ጋይሳን ላም ዐብደኬ። የሱሰ ክርሰቶሳር ዶቅድን ኦሜንንም ኬዘታ ሙቅም ከታ ደቅተሬ።

እንድር እቕምሳን ኬዘና

14 ቅንች ሰጫር የዝደር ዐድካንታ ጉርሞ ይይሰቶ ኮሞ የዝደር ዳብድቲ።

15 እ ጋሞእስንዳ ማቼ ደቅንት ሳብንታ ምክስ ኤሄነኬ ዶፈን ቱስንታ የድ ማቻን ሳብታ ኤሀ ኤድንከስታ ዋሪ ኤድንከስ ዐራ ከትም ይ ዝግዝዳ ማቼረ የስ ኤስተርንግንዳ ኮሞ የስ ጎርሰምተርንግንዳ ዳብድቲ።

16 ዋንታ ጎይንንታ እቻ ኬዘና ዐእር ካይሳ እንድሬ፥ ፍየረ ሳብ

“ኤድ ማትሶ መያ ማቼ፥

ክታ ዶፈንና እያንካ ኤስምሴ፥

ክታይንችንከስካንታ ዐፈርሴ፥

ዋርሳ ሙደንካንታ ኖ ሳባክምሴ፥

ፍጫሙደንዘን ዶቅድን ኤድንከስ ክትካ እሚንምሰኬ፥

ቦንቼካ ፈስ ጭላር አይሴ” ጋይድንዴ።

4

ካርከን ኤስንባብከስ

1 እያን ጭልና ማቼ መየካ ኩን ጋይዴ፥ “በእንታ ሰለናር ዋልቃ ዋልቃ ኤድንከስ ኮተርዝድን እያንንኬ፥ ግምዘንታ ኤስሰን ጎርሰምካ ይንታ እሚንንም ካደኬ”።

2 ኮግንደነረ ኤስና ዉድንዳ ኦትረካ፥ ካርከንም ኬዘደኮ ሶልሳን ሰብልካ እቹርሳንከካ ማትሶ ገቀርዳክን ኤድንከስታ ማክቼን ከሰግንደኬ።

3 ከትኬናከሰግንዳ ዶቅድባብ ኤድንከስ ይእምንምኬ እንቼንም ማርደኬ፥ እሚንድባብከሰኬ ዶፈንን ኤዘድን ኤድንከስረ ክትም ጋለተረኮ ከት እጅድንግንዳ ሳብ ከትካንታ ፍዛን እቸምን “ዐይ እቹቲ” ጋየረኮ ማርደኬ።

4 ማቸንከረ ሳብ ፍዛን ሪሙደና ኡርሜ፥ ጋለትካ ከት ተዬ ዐረሰነረ ዛቅምድ ሪ ካዬ።

5 ሳብታ ቃለናርንኬ ምክሰንካ እቹርድንዳ ጭል ማዴ።

ክርሰቶስታ ኡርማ ፍክሰንባብ ማትንካካ

6 ኮሞ ኤስሰን እሚንድባብከሰካንታ የስ ገቀርሰሳናና እሚንንታ ቃለንኬ የስ ጎርሰምድን ኡርማ ኤስሰን እቸረኖ ጋጽሰባብ የሱስ ክርሰቶስታ ኡርማ ፍክሰባብ ማደዬ።

7 ሳብካንታ ጎይንስዛዳክን ፍጫሙደንታ ዐይሳ ኬዘንዘንካ ጎተርካ፥ ሳብመረ ጎይንን የስታ ማተንም ሙዳዐይካ መጣ ማሰሰካ።

8 ኤደትቼንም ዋሄታ ሪካንታ ሙዳዐይካ መጣ ማሰና ቶክም መይድንዬ። ሳብም ጎይንን ሙዳዐይካ መጣ ማሰና ማቼ ታይንደትኬ ዐይኑን ደቅንትታ ጉርም ደቅድንካንታ ሙዳ ሪካንታ መይዬ።

9 ኮነረ ጋይንተና ኤድ ሙደና ተይ ዝግዝድንዳ ዶፈን ሪዬ።

10 ዎታ ኤድንከስም ሙዳ ሰግሰሰረ አሜንድባብከስም ሙዳ አቅዘድን ደቅንት ጮይሰንካ ጉርም ዎ ይድንኦል ፍክሰንካ ጋብዶቴ እነረ ጉርዶቴ። *

11 ከትኬና ሪንከስም ከትካንታ ክተሮ ኤሰሰካ፥

12 ሰከን የስታ ማትንተንካ ዐየነረ የስም ዐይ ቶቻ፥ ሰግሰሰረ ኬዘካ፥ ደቅንተካ፥ ሶልመካ፥ አሜንኬ ጭለጭል ማትሶ አሜንድባብከስካንታ ካምሰ ማትካ።

13 እ ዐተርን የለልታ ጭል ማጻፍንከስም ዎርሰንካንታ ናብብካ፥ ሳባከረዮ ኤሰሰካ ዳእካ።

14 ቤርካ የሰካንታ ኬዘምሳንደትዐይኬ ምክሰ ኤሄናር ጋልተንከሰረ ይንታ አንን የዘን ዎጃንደትካ የሰካንታ እምምሳንደትም የሳር ደቅድን አያንናር እምንተንም ዐይ ባቀሬ።

15 የስታ ጋጽንተንም ሙዳ ኤድንከስ ሰድንግንዳ ኬና ሪንከሰካ ዳእካ፥ ኬና ሪንከሰም ፍክሰዘን ዐቅሰንተካ የስታ ኤደትቼን ከትኬና ሪንከሰካንታ እምካ።

16 የስታ ማትካንተኬ ኤሰሰ የስታ ፍክሰንታ ካርሰምካ፥ ከትከነረ ሪንከሰካ ዛብካ፥ ኮም ይይንተንካ የስታ ማተንምከ የዘደር ኤሰርድባብከስመረ አቅሰተረዬ።

5

አሜንድባብከስካንታ እምምሳንዳ ዞራ

1 ዶንጀንም የስታ ባቤንግንዳ ማሰሰዮ ዞርካ ዳት ዐይ ዋጩ፥ ሰከን አኻና ይንቼንከስም የስታ እሰመንከስግንዳ፥

2 ማና ዶንጀንከስም የስታ እንደንከስግንዳ ማሰሰዮ ከትም ሰድካ፥ ኮትኮግንደረ ማና ይንቼ እንጀንከስም የስታ ምቹንከስግንዳ ማሰሶ ዶፈን ጭለጭለካ ከትም ሰድካ።

3 ገታ ኬታ ክእሰን ደእሰባብ ማንከስም ቦንቹካ።

* 4:10 ጉርዶቴ፤ ጋይድንደትም አብ ና የከርዶተ ጋይደኬ

4 ክእለና ኮታ ደእሳን ሀምን ኤተንነተረ ይንቶናንከረ ኮታ ይንቶታ ይንቶንከሰ ደቅድንዳ ማቼ ከታኬና ይንቶና እሪምሰኮ ይንታ ኤሀ ኤድንካንታ ካርሰምንም፡ ከትም እጭባብከሰካንተኬ እክነንከሰካንታ ከት ዘራዐቃን ማሰንም እያናር ነግማይንደትም ከት ኤሳ፡ ኮና ሳብም ጉርምዝድን ሪዬ።

5 ገታ ኬታ ክእለ ደእለንካ ቡድና ማቻንደትኬ ይንት ደቅድንዳ፡ ይንታ ጉርምንም ሳብዘን ና ይይሶ ሶይትኬ ሀዋካ ሳብታ አሌንም አይሰሮ ሞክሰካ ዳቅሶ ና ደቅተሬ።

6 ኮ ፍጫሙደንታ ጉርምንም ሀክ ሶልምድንዳ ቡድነና ማቼ ዋእሶ ደቅድዮ ና ደእሳንዴ።

7 ይንኤርዝድ ሪካይሳ ከት ደቅተርንግንደረ ኮም ጉጅሶ ክትካ።

8 ይንታ ማታ ሱሰንከሰካንታ፡ ሰግሰሰረ ኤሀ ኤድንከሰካንታ ገርዳክባብ ይንታ እሜንንም ካጅባቤ፡ ኮትኮግንደረ እሜንዳክን ኤድዘንካ ዋራ እንድንካ ዳቅልዬ።

9 ማኬን ቦንዳ ሰለታ ታመካ ማቻን ክእለ ደእሳን ማነን ቡድነንከሰ ጸፍምድንደትዘን ሀይጻፌ። ጉጅሰረ ዋልቃ አኅና ኤር ሀክ ይእሳንዳ ማት ኮትም ዝግዝዴ።

10 ኮትኮግንደረ ይንቶን ዝግዝድንከካ ጋጵሰካ፡ ሶቶን ሞከካ ሳብካንታ ፋሰምሰባከሰታ ዱት ሰእካ ማጠርሰባብከሰም አሌር ሀምንመረ ኡርማ ፍክሰ ሙደን ይይንተካ ኡርማ ፍክሰካንተረ ሙዳ ዳቅሳንዳ ማት ኮትም ዝግዝዴ።

11 ኬታ ክእለና ደእለባብከሰ ሰከን ማነንከሰ ኬታ ዋሀ እንግርና ከትም ጋምሶ ክርሰቶሰካንታ ኬታ ደቅድን ሶልመና ቶግድንካ አኅና ኤር ይእካንታ ከት ዝግድንኦል ከት ማና ቡድነንከሰም ጸፈርድንደትዘን ሀይጻፌ።

12 ኬና ማነንከሰ እሪምሶ ክርሰቶሰካንታ ኬታ ይ እርደዳን ጫቀን ወልእንተካ ኬታ ይንታ ማተንዘን ፍርደን ተይዐደኬ።

13 ጉጅሰረ ፍክሰካይሳ ደቅንትን ዝግደኬ፡ ፍክሰካይሳ ደቅንት ሀክ ማታክናና ኤታ ኤር ኦንገረኮ ኤታ ካሪ ኬዘድባብ፡ ኤታ ኬዛር ወቕኩን እርድባብከሰኬ ኬዛ ከትም ዝግዝዳክንደትም ኬዘድባብከሰ ማደኬ።

14 ኮካንታ አኅና ኬታ ደእለባብ ሰከን ማነንከሰ ይእድንግንዳ፡ ይንቶንከሰም አጥንግንዳ፡ ኬታ ይንታ ኤሄንመረ ዝግዝድንከካ ከት ገቶዝድንከካ እታ ዘርድቱ፡ ኮግንደካ ይምኤንባብ ላም ካይሰታ ጎግን ሀፋዬ።

15 ኮታ እረረ ዋልቃ ዋልቃ ኬታ ክእሰና ደእሰባብ ማነንከሰ ሰጣንም ጎርሰምካ እሚንንታ ጎግዘንካ ዉተኬ።

16 ዋልቀንዳ እሚን ማቻንዳ ኤተን ኮታ ኤር ኬታ ክእሰንከሰ ደእሰባብ ማነንከሰ ኮደር ዶቅድንዳ ማቼ ምክሰ ኤሄንካንታ ባላ ከት ማታይንግንዳ ኮት ከትም አላ፡ ኮግንደካ ምክሰ ኤሄና ቦድሶ ኤድ ካየንባብከሰም ክእሰና ኬታ ደእሰባብ ማነንከሰም አላ ዝግዘዴ።

17 ምክሰ ኤሄንም ኡርሰሶ ገኙዝድባብከሰ፡ ሰግሰሰረ ሳብታ ቃላንም ኬዘረኮ ኤሰሰካ ጋብድባብ ጋልተንከሰም እንድር ቦንቻ ከትካንታ ዝግዘዴ።

18 ጭል ማጸፍና “ዋንድን ጌዝምንታ አፈን **ዐይዞኬ**” ኮትኮግንደረ “ፍግዝድባብካንታ ክታ ፍክሰንታ ናክ ዝግዘዴ” ጋይዴ።

19 ቃሰተንናንከረ እነረ ማኬን ኤድንከሰ ክታዘን ማርከራክን የለልታ ምክሰ ኤሄናር ጋልተንከሰታዘን ካሰሰን **ዐይ** ኤሰሬ።

20 አብንከሰ ከት ጳዝድንግንዳ ጎማ ፍግዝድባብከሰም ኤድ ሙደንታ እሪ **ዐጋ** ዝግዘዴ።

21 የሰ ይድን ሪ ሙደንካ ዋልቀን አብንከዘንካ ሰግሳከይዶቆ እነረ **ዐየሰንካንተረ** ባለታ ጋይሶ ይያከይዶቆ ኮም እሰታ ዞረንም ሙዳ የሰ ቦተርንግንዳ ሳብዘንኬ የሱሰ ክርሰቶሳር እድምሰባብ ክታይንቶንከሰታ እሪ ዋደ እታ የሰም ጋይድቴ።

22 የሰታ እንንከሰም ኤድዘን ዋድካንታ **ዐይጭጩ**፡ የሰታ ማተን ጭለጭል ማሰሶ ካርሰካ ዳት ጎመን ፍክሰካንታ አብ ኤድንከሰካ ክክን የካ **ዐይማቴ**።

23 የሰታ ልጳር **ዐዝምንተኬ** ሙዳዐይካ የሰታ ሰቅምንታ ቶክም ዋይን ዋጭምን ዋጭካ ዳት ይና ኮዘንካ ኦሰ ሎቃ **ዐክ ዐይዎጩ**።

24 ዋልቃ ዋልቃ ኤድንከሰታ ጎመና መያ ማትንተንካ እሪምሶ ክታ ፍርደንም ሰጅዴ፡ አብ ኤድንከሰታ ጎመና ማቼ መያ ማድንዳ ቶክም ጋምእሴ።

25 ኮትኮግንደረ ኡርማ ፍክሰነረ መዬ፡ መያ ማታክንደረ ዋራ አቶምሶ ነጋዬ።

6

ፍክሰንባብከሰካንታ እምምሳን ዞራ

1 ሳብታ ላምንኬ ክታ ኤስሰና የክምዳክንግንዳ ፍክሰንባብከሰ ሙደና ኬታ ማተን ቆልሰባብከሰ ቦንቶም ዝግዝድንደትም ከት ገቅራ።

2 ኬታ ማተን ቆልሰባብከሰ፡ አሜንድባብ ፍክሰንባብ ከታ ማቕባብከሰም ጮይሰ የሱሳር ኬታ እሰመንከሰ ከት ማቻንካንታ ከትም ዐይቶቻ፡ ሰግሰሶ ኬታ ፍክሰናርንካ መይድ ሪን ዐብድባብ ኬታ ማተን ቆልሰባብ አሜንድባብከሰከ ሶልምምሰባብ እሰመንከሰ ከት ማቻንኦል ኤንገር እርንደትዘንካ ሰግሰሶ ከትካንታ ፍክሳ። የሰም ኤስሰረ ዞረረ ዝግዝድንዳ ኮኔ።

ካርካ ኤስሰኬ ዶፈንንታ ቆልማ

3 ዶፈን ሳብን ጎይንንታ ኤስሰንካ የካ አይድንዳ ማቻን፡ ዋንታ ጮይሰን የሱሰ ክርሰቶስታ ጭል ቃለን ዛቅሶ ዐክ ኤስሰን ኤስዝድባብ ዐየሰነረ ኤድ ዶቅሴ፡

4 ኦትረካ ጮጭባብኬ ዐረነረ ኤዝዳክባቤ፡ ኬዛር ማቼ ኬዘዘን ቤርምኬ ጮንጮካ ዳቅል አግር ክታር ዶቅዴ፡ ኮነረ ጎርዝድንዳ ቀምሰም ኤድካ ተቶምም የክም ዳቅል ዐእርንም፡

5 ኬታ ማክቼና ካይድባብከሰኬ ዶፈንን ግርድባብ ኤድንከሰካ ይይምድንዳ ነግምዳክንዳ ቤርሜ፡ ከትኬናከሰግንዳ ዶቅድባብ ኤድንከሰ ሳብም ጎይንና ቆልመም ዐብድን ጎግ ካምሶ ከትካንታ ዐፈርዴ።

6 “እስታ ዶቅድንዳ እም ማዴ” ጋይድን ኤታ ሳብም ጎይንና እንድር መይድ ሪም ክትካንታ ዐፍሰተሬ።

7 ኮ ፍጫሙደንዘን ዐረነረ የድሶቶ ዐዳኮቴ፡ ኮፍጫ ሙደንዘንከረ የድሶቶ ዋ አይድንዳ ዐረነረ ካዬ።

8 ዋ እጅድንደትምኬ ዋ ቆበርድንደትም ዋ ዐፍሴ ዋም ማዴ።

9 ቆልመክንባብከሰ ማትካንታ ዝግድባብከሰ ማቼ ጳጤንካ ዋጅደኬ፡ ኤድንከሰም ባጅድንደትኬ ካይዝድን ዉቶ ማዳክንደተኬ ኡፈልዝድንዳ ማቻን ዳቅል በድ አንግርንታ ጮክንካ የድምደኬ።

10 ኮነረ ማድንዳ ብረም ሶልመና ዳቅል ሙደንታ ጎግ ኮት ማቻንኦሌ።

ጳውሎስ ጠማቶስካንታ እምሳን ዞረኬ ክቴካ

11 ሳብ ኤድኖ! የና ማቼ ኮ ሙደንዘንካ ጎተርካ፡ ጭለትቶንም፡ እያናር ማትንተን፡ አሜንንም፡ ሶልመንም፡ ዳንዳእካ ዳቅንተን፡ ኤድ አብንካንታ ገቅርንም ጎርሰምካ።

12 እሜንታ ኡርማ ዳምን ዳምካ፥ የና ክደር የሰ ኤልምድንደትካ በድ ማርከንከሰታ እሪ ዶፈን ማርካትቼን የሰ እምሳን ሰለንክንደት ዶቅንትን የድካ።

13 ሙዳ ሪካንታ ዶቅንት እምድባብ ሳብተኬ ጸንጤና ጽላጦሰታ እሪ ኡርማ እሜንምካ ማርከርሰባብ የሱሰ ክርሰቶሰታ እሪ የሰም ክድቱ።

14 ጮይሰ የሱሰ ክርሰቶሰ መያ ማተርን ሰጫ የለልታ ኮም ክቴን ኮትርካይሰከ ይንኤርማከይዶቆ ካርሰካ።

15 ክርሰቶሰተረ መያ ማትና እንጅምሳንደትኬ፥ ኖ ይንቲ ቆልድባብ፥ ባንቶንከሰታ ባንቶና፥ ጮይሰንከሰታ ጮይሰና ክት ጋይሳን ሰጤንካ ማዴ።

16 ኖ ዐክ ደእዳክባቤ፥ ዐየነረ ክትም የልዳክን ሳክማር ዶቅዴ፥ ክትም ቦድሶ ዐየነረ ሰዳክዬ፥ ዐየነረ ክትም ሰድካንታ ማታዬ፥ ቦንቼኬ ሰለንክንደታ ዋልቃ ክትካንታ ማታ፥ እምንኤ።

17 ኮ ፍጫሙደንታ ቆልመንባብከሰ ከት ኦተርዳክንግንዳ እነረ ኬታ ይንታ ዐድጓ ጉርምን እሜንዝዳክን ቆልመታዘን ከት ይዳክንግንዳ ከትም ክትካ፥ ኮትኮግንደረ ኬታ ዐድጓ ጉርምና ዋም ጉርምዝድንግንዳ ሙዳ ሪም ሰጥመካ ዋም እምድባብ ሳብዘን ማድንግንዳ ከትም ክትካ።

18 ጉጅሰረ ኡርማ ፍክሰን ከት ፍግዝድንግንዳ፥ ኡርማ ፍክሰካ ቆልማባብ ከት ማድንግንዳ፥ ቡዳርንካ እማካንተኬ ከታ አብንከሰካንታ ይንታ ዶቅድንደትም ካሲካንታ ግግምሰባብ ከት ማድንግንዳ ከትም ክትካ።

19 ኮግንደካ ዶፈን ዶቅንትን ዐፍካንታ የድና ዛብና ማቻን ቆልመን ዐድጓ ሰለናር ከታ ይንታ ማታካንታ ኩጽደኬ።

20 ጠማቶሶ! ዋደ ጋይምሶ የሰካንታ እምምሳን ካርሰካ። ኤሰንታ ማታክዶቆ “ኤሰንተም” ካምድን እፍርዘንካ ጎተርካ።

21 ዋልቃ ዋልቅንከሰ ኮግንዳ ኤሰና ዋንታ ዶቅዴ ጋይንተካ እሜንንታ ጎግንዘንካ ወተኬ።

ሳብታ ዉቕ እምንተና የንካ ክክን ማታ፥ እምንኤ።

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab